

MUSIKK

Kammermusikalsk hyggestund

Helge Iberg får det beste ut av medmusikantane sine.

JAZZ



HELGE
IBERG'S
JAZZ-KAM-
MER:

**A Musical
Offering**

ELIN ROSSELAND, VOKAL;
BENDIK HOFSETH, TENOR- OG
SOPRANSAKS; VOKAL, HELGE
IBERG, PIANO; MATS EILERTSEN,
BASS; PAOLO VINACCIA, TROM-
MER. ODIN ODINCD9563

Helge Iberg (63) er musikalsk altetande: frå samtidsoperaen *Det ondes problem* – et sosialdarwinistisk *Gesimskunst-*

verk til «Fisking i Valdres» med Viggo Sandvik. Øystein Sunde og Sigmund Groven er to, blant mange artistar, som har brukt Ibergs tenester. Plater i eige namn er det lenger i mellom. Det er grunn til å kryssa av i almanakken for hausten 2017, for det var då Iberg gav ut både kammermusikkplata *Life Music* og *A Musical Offering*.

Iberg har late seg inspirera av ei rekkje klassikarar, men det er stort sett ikkje snakk om tradisjonelle tolkingar. Det dukkar opp sitat i ny og ne, elles ligg inspi-

rasjonen og påverknaden på eit anna plan. Unnataket er to komposisjonar Iberg har skrive til tekstar av Erich Fried og dei to Lennon/McCartney-låtane «Here There And Everywhere» og «Blackbird». Sistnemnde er ei lita perle takk vere eit vedunderleg sopransakskor frå Hofseth og ditto basskor frå Eilertsen. At det framleis er verd å lytta til vokalisten Hofseth, syner han på desse låtane, særleg sistnemnde.

Pianostilen til Iberg er minimalistisk med utsøkt sans for harmonisering. I Rainbow Studio med Kongs- haug ved spakane er piano- lyden garantert stroken. Lyd- biletet opnar opp for Eilertsen og Vinaccia i dels frie roller og med mykje boltreplass. Vinaccia fargelegg og kommenterer i kjent stil. I 2009 gav Iberg og Rosseland ut *Standards and Vanguard* i lag. Rosselands bidrag her avgrensar seg til medverk- nad på «Eifriger trost», «All The Things You Are»-inspi- rerte «Alle dinge» og duett med Hofseth på «When A Heavy Drop Falls». Ei elles god plate hadde tolt meir Rosseland.

LARS MOSSEFINN

Lars Mossefinn er frilans
kulturarbeidar og fast jazz-
meldar i Dag og Tid.



Helge Iberg er musikalsk altetande. Foto: Herborg Pedersen

Nostalgipoesi

Bisse har forfatta ein framifrå musikalsk dannelsesroman på dansk.

POP



BISSE:
19.6.87
SHOWBISSE
INC.

Tidlegare i år gjorde Bisse reint bord på Steppeulven, prisutdelinga til Foreningen af Danske Musikkritikere. Førre veke spelte artisten – som læt som David Bowie og The Cures Robert Smith blanda med drømmande post-rock og Klaus Nomis energiske, eksentriske og teatralske sceneshow – tre konsertar i Noreg i høve det sjuande albumet: 19.6.87.

Tittelen er Bisses bursdag, og det storslegne opnings- sporet blir introdusert av

barnleg, eksperimentell pianoklimpring. Slike lyd- opptak frå familiearkivet fungerer som overgangar låtane imellom plata gjen- nom, og omslaget hintar om ein nostalgisk *bromance*: På framsida ser vi vokalisten og den næraste musikalske samarbeidspartnaren hans side om side, truleg rundt 10-årsalderen. Baksida er på si side pryda med ein collage av gamle dataspelcover – frå actionspelet Half-Life til spel- tunggåva av Sofies Verden. Dette kan kallast ei dannelsesplate, der Bisse ser tilbake på trans- formasjonen frå leiken lege- son til artist i full bløming – stadig leiken, men kan hende med fleire sjelelege kvalar.

Store delar av popkul- turen i dag er prega av enorme mengder nostalgi, noko *South Park* parodie- rer med tomt mimrande «Memberberries». Men der nye *Star Wars*-filmar og lik- nende omkalfatringar av gamle kulturelle fenomen berre ser ut til å vere mot- iverte av inntening, meis- trar Bisse og makkerane hans å lage poesi av minne frå oppveksten – om ven- skap, rivne hus, krok- fot og forelsking i alle i Spice Girls. Det er faktisk rørende.

RASMUS HUNGNES

Rasmus Hungnes er musikalr
fast platemeldar i Dag og Tid.



Foto: Wikipedia

SIGRID KRYSSAR GRENSER

Sigrid Raabe får European Border Breakers Award over nyttår, melder Gaffa. Prisen får ho for å ha brote gjennom på tvers av landegrenser i året som gjekk. Prisen vert rekna som ein viktig indikator på vidare internasjonal suksess. Sigrid får prisen på Eurosonic Noorderslag i Groningen neste år, der ho skal opptre på festivalen.

Nattsong

Cecilie Anna viser seg å vere ein oppsikts- vekkjande god komponist, tekstforfattar og songar.

POP



CECILIE ANNA:
I'm Here
CECILIE ANNA
RECORDS

Dei siste dagane har eg gått rundt og nynna på «Close to Four», låten som kjem midtvegs på *I'm Here*, det fine, nye albu- met frå Cecilie Anna Rønhovde. Eg har tenkt: Er det ikkje noko kjent med denne songen?

«Close to Four» kunne ha høyrte heime på ei av platene Neil Young laga tidleg på 1970-talet – låten kjennest litt som ein klassi- kar, som ein av desse slitesterke pianoballadane som berre brått kjem på radioen akkurat når han bør og skal, og som tilsyne- latande har eksistert til evig tid.

Det vitnar om eit sikkert grep om handverket, og det finst fleire slike songar på *I'm Here*. Cecilie Anna – artistnamnet inviterer lyttaren til å vere på fornamn – viser seg rett og slett å vere ein oppsiktsvekkjande god kompo- nist, tekstforfattar, og songar.

ELEGANT MINIMALISTISK

Det dreier seg om eit album som held seg nedpå heile vegen til

mål, det er dempa men likevel markant framført, og det er ele- gant minimalistisk i produksjo- nen, noko som ville ha vore eit vågestykke om ikkje materialet var så sterkt. Fleire gonger har tankane gått til *Nightsong* (1995), plata Sidsel Endresen laga saman med Bugge Wesseltoft, sikkert fordi røysta og pianoet står så sentralt på *I'm Here*.

STORTALENT I UNG ALDER

Eg er med andre ord glad for at eg tok *I'm Here* ut av innboksen, og gav meg i kast med å lytte, ei stormfull natt i eit mørkt hus på Sunnmøre, ein atmosfære som viste seg å vere svært passande. «Morning Star» lèt eit lydopp- tak av vestlandsvær få sildre i bakgrunnen, og løftar den vesle melodien gjennom ein velplas- sert bruk av messingblåsarar. Litt som hos ein artist som David Sylvian tilfører grepet songen eit verdig alvor, noko vi kan takke Rebecca Almås (althorn), Åge Østrem (kornett og flygelhorn), og Torstein Overweg (eufonium) for. Andre nøkkelroller har Vidar Vedå (på kor) og produsent Gisle Østrem, både på Stord og i Abbey Road i London, der albumet vart mastra tidlegare i haust.

Arkivet: Chris Gantry

Platehistoria er alltid mogen for å verte omskriven med nye aktø- rar i sentrale roller, eller for å omplassere ei og anna utgiving i ein viktigare posisjon enn ein tid- legare hadde trudd. Og nokre gon- ger dukkar det opp noko ein aldri fekk høyre, og som ein burde ha fått høyrte.

Denne hausten ser turen ut til å ha komme til Chris Gantrys *At The House of Cash* (Drag City), ei plate som aldri såg dagens lys etter at ho vart spelt inn i 1973. Kvifor?

Gantry fekk ikkje eit selskap til å satse på materialet, la det bak seg og gjekk vidare. Songane han hadde spelt inn i studioet til

Johnny Cash, hamna i skuffen. Grunnen var til dels ei sjanger- nedbrytande haldning til country- musikken – slik industrien i Nas- hville definerte denne – som den gongen var fatal, og som i dag ver- kar toleleg eksentrisk.

For når ein no lyttar til *At The House of Cash*, er det ikkje til å unngå at ein spør seg: Kva om albumet likevel kom ut, og vart kanonisert som omveltande og banebrytande? Ikkje umogleg å tenkje seg, i alle fall for denne lyt- taren, og kanskje ikkje heller for Gantry sjølv, som i ein alder av 75 år endeleg kan feire plateslepp.

ØYVIND VÅGNES